

四庫禁燬書叢刊編纂委員會

北京出版社

四庫禁燬書叢刊

集部第七〇冊目次

楊文弱先生集五十七卷(二)

〔明〕楊嗣昌撰
舊鈔本

一

句注山房集二十卷尺牘七卷

〔明〕張鳳翼撰
明刻本

一二七

石民江村集二十卷

〔明〕茅元儀撰
明末刻本

三六九

雪堂集十卷附錄一卷

〔明〕沈守正撰
明崇禎沈尤舍等刻本

五四七

楊文弱先生集五十七卷(二)

〔明〕楊嗣昌撰

舊鈔本

中國科學院圖書館藏

楊文弱先生集卷之五十

明 武陵楊嗣昌文弱著

山梓

農秀

孤兒山松同輯

孫

農峻

農介 同較

山碑

農彦

書

與邵蜀撫捷春

頃接秦督來書謂近獻經初七日大創之後止同赤身之賊所患尋不見不患不成擒也奈入山搜剿非餉不行不

楊文弱先生集卷之五十

一

料太平縣以秦蜀不相管攝視仇視特銀買米三日不得升合士民號哭咸云斗大小邑家無積貯先年五省軍門到太平一宿而迄今非五省矣以來此儘各州縣物力供平賊鎮三日以後也供不來了職之官兵糧絕三日性命可虞職亦與之為絕糧甘與官兵同死云云不佞蹟之未免不勝浩歎夫賊走太平非臺下之境內乎向雖有臺下與羅鎮分信之說然亦止論防剿而設處糧料原非該鎮責任前已數致臺下謂秦兵左兵已入川地用本色最急臺下為萬猛圖勿拘常套而竟若此今左鎮以無糧回西鄉矣秦督又以無糧見告矣現在張應元汪雲鳳之兵

敬敬待哺十五六年之巨寇不知費多少心力則到手而以本色無人接濟竟令脫逃凡我同事將何以自解手屢據塘報云我兵逼到二時賊直闖連太將至不可收拾此時兩川滿地皆賊徵兵徵餉不更勞乎不佞甚為臺下惜此舉動也不禁噴聒再祈臺下廣運糧料多方接濟以必速必足為主勿致疎漏自貽後悔

與監軍孔會事貞會

冷道在襄陽兩三日激切一稟必欲躬往度人今遂不能自度耶觀其手字弱不佞諭帖過情不佞真撫道入周旋半載猶然不知情實不解撫權耶可笑翻可憐也要徐

楊文弱先生集卷之五十

二

懋德蔡璋等入營皆不可聽當陽宜城麥將熟矣請賊出來割之此是真撫幸門下以語懋德等有便傳之冷君不盡

與張監軍克儉

借重老公祖改補襄陽一在具疏部覆奉俞旨矣運獻破敵剿功可成不佞西向手額為左將軍謝而忽具病呈心竊疑之以為秦鄭同事必有不合致然此不佞可為保性萬萬不足慮者也至不佞於左將軍豈惟知之深任之篤而一種愛惜炤管盡闕諸同事之偏見妒心使有所憚而不改聘此不必今左將軍知之者非老公祖見教今日亦

不必言也。若不佞此行奉命嚴重深切責成督撫行文件件皆有飛奏摺問字樣督撫亦不敢言非只行於鎮將者然也。如此行文皇上猶謂姑息寬慢增定教書將文官不知令者俱改賜劍從事此豈尋常總督總理可悠悠忽忽而已哉。今將文移錄一二紙前去想覽後方知一笑可釋矣。此外倘別有疑滯老公祖不妨再細詢之區區肝腸或老公祖所素鑒也。

與鄭陽表大參羅威

差官回得來教寬限調理遲遲其行不勝錯愕。此間大剿曾遇嵩徽參秋之前鄭中當事如嵩難仗望老公祖星言

楊文弱先生集卷之五十

三

風厲決大計成大功原非以區區一道久苦高賢業致意於主爵本兵矣。望而不見寧止搔首踟躕哀臨侯姓字亦既聞於天下矣。當此時而不投袂起何以為袁臨侯也。

與平賊左鎮良玉

此番入山聞大將軍與士卒同苦不佞誠不能以身分之至接來呈稟然自失大將軍辦賊數年於茲矣功成奏凱聖天子將有非常之賞不佞不敢掩人之功懷為己有己畧見於文武議論之奏矣。為山九仞只在新須大將軍何以忽動他想也。豈同舟人有心存胡越不可共功名者歟抑平吳之後口不言功做古大樹將軍甘讓齊華歆幾前

言之有不佞在他人其曷敢侮。錄後言之賊未盡平將軍即讓他人他人亦無敢居也。接監軍通報賊尚在古壩我兵已往國之留將軍駐西鄉調度正合鄙意前分奇正之說慮賊去遠入深我兵不能連耳彼一時此一時也。願大將軍勉旃自愛主上念行間勞苦頒發賞功尚未解到不佞已先那庫貯來矣。教諭抄傳一覽不盡。

又

周琦傳說大將軍饗士之後仍再入山聞之喜甚。泰督鄭大老解到教書一通飛刀一口係陣前所獲蜀撫邵劍老獲張監軍婢子二人執招一紙報解亦將至矣。我兵得賊

楊文弱先生集卷之五十

四

婦七與印記等物不勝其多亦須解京為是前已相聞因秦蜀有解到者特再及之。

與邵蜀撫捷春

獻賊器仗馬驢子女精銳盡於一舉計孤雛屬鼠擒斬定無難矣。川北復糧不具鎮將腸腑堪惜不得不激切敦厲倘微臺下之庇了此一渠即並力愛巫昌寧賊難入者嚴堵兵可出者破擊大收曹過一鼓全殲定在春盡夏初萬萬勿作吟封郵壑之見再臨前此幾度之車是所港港祝禱者也。

與許監紀明佐

獻賊到紅花園甚為可圖但欲發兵真剿恐與巴諸賊一
齊煽動則我兵有腹背受敵之虞且賊勢則易剿動則難
尋我兵追逐當於何止得毋以一著亂全局乎今思一策
用計取之為上昨已釋四虎兒不殺矣審其口詞與秦中
解到馮搢子相質無大異同乃草令諭一紙令四虎兒引
我兵前去望見逆獻撤塘之黨即以投之度賊黨可以招
徠孤獻不難擒縛矣詢李起言寨總張東誠諱所學可用
門下幸善用之起稟仍錄覽此即不佞之調度也

與荊州守道王副使永祚

前過枝江見其山水頗秀而學宮與之相左以致料第家

楊文廟先生集卷之五

五

家偶向教官言其宜選昨諸生即來具呈云枝田原有可
以佐贊者不佞以此事不關軍務未便料理又恐不一批
無人提撥此段佳緣矣謹得祈老公祖垂念枝士風係門
牆而玉成之何如

山松曰枝學政後果科第不絕此亦從國家人才起見
有何可怪而小吏亦憐之何也

與邵蜀撫捷春萬許事元吉

官兵大舉合圍曹過必有一閭閻蜀非意外也但向來申
令要如銅牆鐵壁萬萬不可仰攻者不意毫不足恃如此
而我奈左之兵正從一路大捷而來臺下大聲號召合力
堵殺賊自送死殆非誇誕不佞兢兢慮者被試聞不得則

折而旋奔正於此際閃我驟我使我忽爾開張彼得乘瑕
疾進耳然則今日猶持前此屢申之約從軍竹捲至巴巫
是一大定之局而其中小小變態總不出吾網者切不可
以亂吾心唯雲陽開縣中間或有歧路直通省會則非不
佞所知必集漢土紳民全力扼堵或刁胡兩君之兵從此
趨陸又在臺下相機呼應耳

與許監紀明佐萬監紀年策

曾過聞蜀乃窮寇必至之情不佞六申密訂中言之已審
不意川兵脆不足恃至是也此時秦左之兵從開寧大捷
而來斷不能去仍必折回嚶緊尤在房竹把定關頭不使

楊文廟先生集卷之五

六

之倏忽同旋乘疎北竄而目前獻賊在紅花園果子坪惟
歸州大池兩路之兵近而可取必遣足智多謀之人入兩
路山寨結連鄉勇偵伏多方只用精兵數百佐而誘之或
賊打仗用先來投順者當陣大呼出降或遇賊撤塘暗招
其得力之人以精兵偕往夜襲定可得手謹以此專托之
門下密切圖之兩路設法相通彼此呼應方可齊事即一
邊得功兩路俱准同算以此傳飭將士庶可收同心之効
也

與邵蜀撫捷春萬許事元吉

九日晚卧未興簾櫳噪甚占得旅之遯斷賊當遁走有佳

報須次日庚寅可到比及庚寅辰刻報猶未至亟遣楊成
雷行甫出門而馮上宣至矣未幾已霧閣渡止曹通關索
三股似易為敵而小江徒漲賊渡未全開軍大兵席捲尤
便不佞懸佇成功正在此時幸諭諸將士同心鼓銳陞賞
之格已頒朝廷不惜大費也第恐兵集於蜀賊仍遲楚終
以與房兩界為戰場賊股多而勢合我兵合而地遠此不
佞惴惴焉臨事之懼傍徨無間日時今若乘漲截賊殺得
一股是一股最得一乘是一乘即有事急求降者陽許之
而陰墮之不為詐害此上門聞事之賊非斂兵稽角之賊
也

楊文弱先生集卷之五十

七

與許監紀明位

整十萬自坪陽三壩越黃連而走後界坪間後界有兵垂
注而返此時計無復之方就門下乞撫固無可拒之理而
用撫於此時亦大異前日蓋前日之撫不佞以解散為先
能散脅者即撫之此時大兵進山不患脅從之不散唯憾
戎首之通謀如能作我先鋒倒戈以殺其黨斯其求撫方
可信而我撫之為有名不則刀頭餓鬼賺我脫身我安能
輕信之哉門下語彼來者如果真心報効必須先做此著
且此事只可言降不可言撫降則聽我施行撫終未免於
論秦門下擘定主意方有著數出來特此覆責不一

與萬詳事元吉

小撤將發適接撫報及來教俱令張注二將堵雲陽竊恐
賊必不走雲陽畢竟是走開縣大寧此兩路非秦楚兵堵
之不能濟事奈何分派江於賊不必走之地而反弱我之
勢乎况觀賊勢求賊情必不攻城畧地必不扎營總戰唯
求奪路而走我兵若占一城一山自為得計賊必竄去無
疑矣全局握定一熟疎取可勝痛哉連日天復大雨江漢
盡漲或能阻賊長驅亦未可知但此時兵力止有一層不
堪舉動少錯再無第二層遮攔救轉之法倘幸奔大寧平
竹則猶有救藥處若踰開縣走太平傷哉已矣不及作檄

楊文弱先生集卷之五十

八

作書與撫軍惟足下致意萬萬猛思毋失此著第不知此
書到時又作何光景矣

與邵蜀撫捷春萬詳事元吉

賊幸不盡入川又不直闖夔府而走開寧正我兵捲來之
地似無大虞唯賊專主奪路我兵專主憑城賊不避山溪
險阻不辭風雨悔明不待易種蜚輓而我兵皆不能然深
恐一頭竄去無人抵當致貼全局之憂可奈何也據歸巴
探報賊有二趨昌寧一股却回三壩不知確否確則勢分
易制即前去者亦自孤危此日用兵固須首扼開雲未可
放鬆寧竹且曹操真正精兵十餘過天星再加一倍關索

僅數百外即被擄積子手之徒蜀兵自健法紀未彰今日
必借揚劉以警衆萬勿因循自誤耳近曹營有降丁車白
朝聞報曹營賊目甚詳抄發一紙可為間諜之用幸臺下
存之連日大雨江漲不知聞難前途有可阻賊處否如阻
則催兵急殺勿錯過機會為望

與鄭秦督崇儉

此時張逆未擒曹遇又復聞蜀台臺即欲回鎮理未可得
蓋賊本秦賊今困於楚蜀之間計無復之亦惟有聞秦一
著倘台駕回兵將與之俱回賊亦與之俱回秦其能再堪
否乎此語不佞當直告聖明而台臺以告藩即勿曰舍已

楊文弱先生集卷之五

九

芸人也頃聞撫岑來欲大調鄭鎮等俱來會剿不佞遠難
還奪唯台臺詳審行之必須殺轉此賊不聞入秦繞是了
手局面而鄭鎮何在岐路苦多遠近疎密之間台臺萬萬
注意勿錯一著輸滿盤也

與許監紀明佐

黑渠來降真實可喜門下之功大矣降渠以殺賊餘衆解
散二事為第一義殺賊可徐鼓而用之解散非斷之於初
不可門下掣定主意大機大用自當相逼而來不佞得報
焚香告天並得蹇之豫動來反來連朋來三友恐聞風接
踵不止一黑渠而從古及今中原反側亦未有不始於干

戈終於耒耜者也

與陳司馬新甲孫職方嘉績

不佞昌彝陵月餘督剿頗有局勢曾過憚而聞蜀然不知
我兵正從蜀北大搖而來賊去反為相就微天之幸竟從
蜀省成功未可知也尤喜左帥病愈業已提兵入山不佞
前所慮交代之難一旦豁然冰釋而此一肩重擔新舊多
股降人非仗該鎮始終彈壓安輯不可朝廷縱有更易亦
望再奏轉圜也

與督理盧烈九德

楊文弱先生集卷之五

一

一股散撫得宜而革左等五營望風乞命此真好機會也
不佞原奉剿撫兼行之旨昨曹過股中有黑雲祥號整十
萬者祇負幼子肉袒棘門率全營投降不佞除散遣難民
外僅留精銳數百人造冊收用因思降者踵至誅不勝誅
須圖善後一著前行文各屬查所在開曠地土請旨設縣
安插降人庶與土著分處勿釀亂階據河南李撫軍已有
開報來矣今革左等賊若真心受撫當令其解散脅從盡
數遣歸若老本精賊無家可回者或畊種或充伍自從其
便但充伍則挑選精壯分散各營錢糧照例給之事半開
銷可也畊種則須開曠地土永為己業老先生即與鄭撫

軍湯道等相商查附近處所有荒蕪土地可建立縣治者連會不佞以便題請安插俾此輩一安永安斷勿循昔日苟且之局可也

諭提塘陳萬鼎

傅老爺在京我從未通聞一字既就功令勿耽踰也茲偶有雲南人便傳太爺寄來家信一通汝可密切尋他家人長班送進以慰老親獨子萬里悵悵之意我始終不敢通書如有回字仍付來差可耳

與鄭泰督宗儉

向因左鎮偶恙與中樞性復微商不圖忽有更置之事也

楊文弼先生集卷之五

十一

臨敵易將萬萬非宜况在泰在楚新舊降人斷斷不能合之一處左師仍舊鎮楚賀帥暫以新街鎮進剿之軍稍俟事寧妥插散遣即以一席處之方為得所不佞已飛章入告矣如部劄至台臺萬萬鐵還勿啟軍中之疑致生意外之慮

與平賊左鎮良玉

向因大將軍偶恙聞之中樞頗有却担之疑欽哲准更代旋起銜違不佞聞之激切即以勿藥有喜飛馳上聞矣逆獻伏楚曾過閩蜀將在昌寧房竹間一舉收功唯將軍雄才福相自膺天眷非他人所敢望也勉病勉瘠

與中堂兵部兵科職方

昌奉命南征無一刻敢忘東顧每思殫竭純早靖潢池以便廟堂之上專精禦邊不意寇股多而狡窟遠催兵浪進與伺賊詐降兩轅俱覆萬難再蹈以致拮据九月晷盡惡心雖大捷屢聞而以語於一鼓蕩平猶未也忽聞降遁裁州主上臨軒浩歎昌驚怖憂惶憾不遇死念徒死無益冒昧一言膠陳用人一著尚選督撫以為綱領分布綿密以塞疎瑕蒐羅豪傑以收策力擺脫刑戮以萃精神如此整整圖之或者日計不足歲計有餘寇敵制勝道不外此倘謂官冗費多則請撤回監視其費足以給之不須另設

楊文弼先生集卷之五

十二

如謂借題壞例則思今天下惟有邊烽之警不共戴天有能奮志圖之者固皆可以圖功贖罪者也而資格之拘泥每失英才吏議之處分尤乖名實斯亟當破除者矣小疏如蒙聖鑒採納施行似宜及早從事敢暴區區不盡之愚惟老先生裁教為禱

山松曰此疏銳有關係惜亡

與楊主事卓然

接來教知門下招降有緒具見苦心且降人歡喜投地皆願殺賊立功曷勝欣慰但此中如白良輔等自是真心受撫無他患矣而人人果如良輔乎我尚未安插得宜而降

丁往來如織我兵之在壽陽大池者能不為窺虛實而生
區測乎在撫賊者推心置腹何須顧後瞻前而賊黨實繁
賊情多變又在門下相機圖之寧少留而必多為運密伺
而勿疎於防聊以佐高明之一籌也目下正徵鵬剿獻賊
乃諸降用命報効之一時惟勉錄實効為望

與宋楚撫一稿

黑雲祥降後尚有老管隊四人號托天柱四天柱黃鳳等
見在興山負固不從昨歸州發牌詣之兵至昭君臺此賊
又往紅花園去而張逆尚在長荒果子坪有言其入王春
宇寨者查王春宇即王光泰寨在宋雄河有報到鄖陽道

楊文弱先生集卷之五十一

十一

云四月二十九日曾捉二賊楊知楊震解道親審則非通
賊者可如此際正堪下手但恐當遠之兵遠不相及耳

諭陳中軍可立

諭中軍陳可立左鎮病愈望汝速歸不意又入山也與左
鎮相面打破疑團又得知興安一路情形亦是佳事想此
月望後諭帖到彼汝已回矣此時獻逆在興房間日日改
名換姓難知下落聞料又在閃爍往來曾過諸股俱在大
軍雖有大兵撓殺猶恐一著疎瑕致漏全局不知左鎮謀
畧云何與汝商有成算否天氣正熱入山轉深糧運艱難
士馬疲苦我心切憐念而無可奈何思賊勢已窮賊黨漸

解惟有用寡用奇可以取勝而與人言多不解意可奈何
也

與鄖蜀撫捷奏萬詳事元吉

賊不患聞蜀患其難蜀以聞秦也屢挫折回不出吾網今
當變局四面環攻前者十申約束仍有不直之指令不容
不盡矣見在蜀中某兵堪戰某兵堪守戰者鼓勇以出守
者盡地為殲望臺下一一審定各專責成以免推卸而戰
者之殺仍須就近轉運資宿飽以建奇功尤不佞屢檄中
諄諄致慰者也

與宋楚撫一稿

楊文弱先生集卷之五十一

十一

曹逆不能闔門而去又報近回情形近確剿局微有變遷
蓋以興山為中心各路兵馬易齊糧運易到非若前此賊
至歸巴之遠且難也其說久已上聞而反遂通告之同盟
者恐悠悠生待賊來不實進兵抗險耳老公祖以為何如
與陳司馬新甲

頃專官馳報大帥病愈乞恩留用想聖明允留台臺履請
必有成命矣賀人龍亦有署銜之請今或當以新銜仍管
陝西有功實授則既不失其超擢之望而仍可收鼓勵之
功倘台劄已行則已如或未行或行而未及此意望台臺
更給一劄即付款差帶回給之使其稍知感奮更佳事也

與平賊左鎮良玉

屢接來教皆云俟鄆陽正兵一到使決計合應或者貴鎮之意以陶紹侃等而外鄆陽另有正兵乎過矣鄆兵即是此數鄆道新任之日即入竹山頃報又自竹山過官渡泥灣而上趨先鋒洪坪等處矣該道新奉簡命撫鄆不佞人從舊撫之議以鄉紳周念議監營未知其入山何日然賊情軍計呼吸變遷新撫做事頗不同於舊局亦未知其何日出山也大將軍以平賊為任臨機調度當自決之不必諄諄問人向來不同心之人問之亦無益若新撫相面與陳則推重大將軍為第一人而甚訝向來之不同心者不佞一番訪命以新代舊亦深為同心之故本不可泄之書曉聞而將軍在遠又不得不以書傳也所言公公言之區區之心求對天日而已

與孫監紀明孝

暨冠一股分三次乞降趙信昌所引乃第三次先勇固不降者也豈惟不降且與第一第二次者皆阻兵相殺頃第二次來降者求安插家口之後領兵過性教之即黑雲祥亦不肯與之同處則其情狀可知矣據信昌稟內盛世枉自兩可之意想此即其兇柔改稱項十萬與教劉盈澤盈匪者未可輕易受降也特令副中軍李起前來與門下密

商如我兵可用即聲此渠之罪罽而致之然後收撫其餘所為得策不則仍令諸渠來見如第一第二次事例而嚴兵以待其變先固約歸州諸兵以制其逃是又一權奇之著此卦所謂不寧方來後夫凶者也門下以為何如

與王鄆撫整水

承老公祖使來言別仍賜不屑之誨感謝但不佞憾聞之晚也頃者十申約束之外有再進一籌微商剿局之微似與來教所爭不遠果當局者咸如鄙議行之具於陸運之難抑或稍稍減半乎然而未敢必也若因運事之難而止兵山外任賊哭奔竊恐旁觀袖手冷眼高談之夫又不知其掉何舌矣天下事可勝歎哉

與楊主事卓然

山中事完望門下躬往鄆州規畫順陽懷縣處置新民斯為長治久安之計詳具咨疏諸稿中必用新附之力草創土城即次得所而後徐議其餘可也門下如有行期可於十日前相聞便遣堪輿偕往

與袁鄆撫繼成

鄆哨從來不確然未有如近日楊明啓之甚者兩報大寧前番猶有影響蓋賈登聯莫宗文諸將誘賊來降而殺之在大寧城中新級六百解七十五人至不佞所不佞念其

初資來降不忍殺之以馬起羅門子十二人仍發回羅萬象營劫用以其獨感萬象不殺之恩也餘則半收標下半遣回務控報攻寧或即指此至此番曹遇關蜀全得大寧諸將一戰折回賊遠退狼狽秦楚蜀兵四圍堵殺奇捷屢報其成大功萬吉人手札無一二日不至者何曾有破寧之影乎必斬李日增以正懷私說謊之罪不獨為大寧正忍訛傳誤諸方事也此時在楚地者止有獻關我兵之出奇剿理宜速行王光泰有探買糧顧用命而興遠一帶皆謂其通賊已將逆獻收入寨中此亦明啓破寧之說不佞獨不憑之老公祖觀此一節可類推矣密諭之發非

楊文弼先生集卷之五

上

欲撫獻特借此以散其羣耳近整十萬一股次第來降皆山寨士民半攻半打半誘引之力而收拾解散在不佞亦有深心非盡貿貿也老公祖旌節何時出山山中監督果即委之周紳否相距甚遠相聞甚難左鎮之介介蓋猶未知近日之簡書而不佞亦有諭去又未便顯言之也介介者昨有札來謂洪坪陸運甚費我保竹當遠興利一帶之兵皆不必進以興房委賊自可懸首藁街老公祖謂然乎否

歟

山松曰介介者謂即陽蓋撫王驚水也

與宋楚撫一鷄

黑雲得一股老營兼有六哨一次來降者雲祥自領之老營二次則著天飛曹士長搜山虎韓可進之二哨也其四哨原不願撫因勢孤稍有二三趙清昌等曾買入營或天枉一哨仍不肯從日夜自相喊殺引而去之今來降者四天枉李仰能飛天枉趙星昭小黃鷹呂如錫之三哨而其眾亦不全也此三人與雲祥不睦欲投老公祖帳下自為一營不佞原無分畛行令老營札露頭河外審明賊情形然後引諸目來見例如激賞仍聽老公祖調用惟老公祖裁之

與平賊左鎮良玉

楊文弼先生集卷之五

一八

頃接蜀報五月念五以前曹過尚在上田下田之間後阻兵而前阻水未遽折回見在上麓長荒止有閭獻二賊分之合之總不過精兵千計天將軍或選奇兵一二十亦可直前突剿而留大兵結營以待轉輸獲運手相距遠遠不知此剴到時情形又是若何唯憾不佞一人不能分身所在督促耳

與周大參夢尹

竹谿李令守死一節尚須覆查而姚道人宗中聞在黃陂撫老徊徊有未了之案必核明果無疚心處方可旌之然其奉差入營罵賊而死則皆已上聞矣不佞非憤憤負此

曹者也

諭陳中軍可立

沿河勾坪之捷有造言云賊去七八日毫無影響者而我以書問宋院且令揣摩此議出於何人宋撫回書疑出秦中督撫我說不是秦中督撫乃王治院云云我心知其素懷忌嫉甚是不平亦曾與汝等言之七八十級亦難假有七八百級毫無影響者手不但汝等每對各監紀言之亦痛憾此事彼與舊楚撫及京營人俱素忌左鎮而嗾我偏用之保護之者或另有播弄欲使左鎮生疑亦未可知若我則區區之心青天白日頗不為些小見識所搖動也況

楊文廟先生集卷之五

一九

與東鄰撫繼威

黑雲祥一股作三次投降降衆共不滿三千有威世枉一人獨奔張獻忠去聞精兵亦僅百許張逆入王光泰寨似乎真確光泰尚未顯叛老公祖因而用之可以利誘圖功新道監王鎮之兵端意進取此賊矣聞將報聞上竄甚急其衆亦不甚多曾過尚在川中未遽折轉老公祖急聯左鎮先靖獻聞為要聞左鎮之意急欲專入覓賊但苦山中無

糧老公祖推重其兵鼓舞前進而少用鄒兵半資轉運可乎地遠文遲鞭腹難之老公祖一切以便宜行之是所望也

與潛江劉鄉紳若金

弟碌碌不知何緣仰竊主知如是拔用豈惟平生無此夢想即好運營善造想者亦到不得如此地位而今顧叨冒如此弟深懼其非福緣乃禍事也即如老年兄稱快云云弟亦稍有志向要做一二樁好事以補報天高地厚之恩無奈軍旅之事真未之學一旦領此不得脫肩別事固做不得而此一把刀豈是該弄會弄底待弄不來時將作何處此走弟之末著下場自己保不得處兄謂尚能作他事否乎已矣終成負恩負罪之人而已矣倘萬一微老年兄大庇勉完此局從先人於九十九灣樂而忘死便與成佛證果是同此外再無超出三界之事只恐必不可得奈何

楊文廟先生集卷之五

二

與陳司馬新甲

向承台臺商賁鄉大帥及於張令僕第謂其老而難馴不知此老而難馴四字意壞事也前在太平左右兩被賊圍後者多以驛馬與賊謀和賊必欲困之至死賴楚兵大殺始解圍而出乃頻頻具稟自謂借圖牽制要殺首功僕行文責之意猶未厭此番仍用壯往竟被賊殺挫全局之銳

開一點之瑕殊為可惜然一月之內殺賊五千有奇浪漢
跌崖者不計其數文武將士畢竟功高且深山澤澤勞瘁
至極病染尤多僕真未忍苛論也

又

近見洪亨老疏用東國棟高監視疏薦李茂根連左何時
何地尚用此等貪庸無恥之徒可為大駭即如關門巡撫
是一自在受用之人非鞠躬勤事之料而劉士名為部署
尚未可為可為道朱國梓為監軍則稍可為可當關台臺
在邊日久熟知其人之情一旦變急此重關門尚宜稍存
陽限為意外之防奈何以連人守之此弟底衷之言非台
臺下問不敢妄發望台臺覽後即付丙丁而於見在者善
為更調將來者萬分通選並致此意於洪亨老一時所仗
無多人不得不相關切也

與宋楚撫一鶴

日來鄭兵屢報聞將急聞上龕又云獻賊亦繼其後僕飛
檄左王二鎮聯絡聲援今早又得郎啟責報云聞賊退向
東南紫竹林東度坪去訖則我入山之兵遂著即殺毋分
彼此老公祖督發前行可也又秦楚蜀兵會剿五月之內
共斬首五千有奇而張令陣亡擒挫一點之銳賊今又自
雙關奔走雲開二路五月三十日又報折轉陽橋奔楚仍

復走巴露河連日猛雨或者又成阻隔往來井井不出範
圍吾楚中兵其能先了聞獻二股否乎望之以刺為戒而
未敢必也

與宋鄭撫繼成

六月初三四日連接大教商烟左兵以後來平利竹山兩
路為要且一則支糧竹山漸進上龕一則支糧官渡漸進
洪坪老公祖如此照應左鎮自心服而樂從矣僕前因渠
告病懇切與中樞預商若無堪代之人不知遽以入告而
易之於臨敵也僕聞此消息即草奏願留且將解任之檄
留而未發仍叮嚀該鎮不得卸肩矣微聞部議暫准其病

楊文弱先生集卷之五

三

放起街邊即兵垣亦有手書見商及之此庸可輕動者乎
老公祖如與相聞不妨悉示知之鍾萬化俞王皆舊道之
人僕因而用之者一入深山做事殊不敢保而山中之人
亦慣相忌排彼此俱無乾淨老公祖度可濟吾事者用之
無濟於事則斥遣此用才不用品之時也至若輩假借閣
部標下欲自立異則望老公祖徑與鄭將一例處分僕雖
不才勉思做天下事豈為一二小人所騙向者王公祖專
事分別僕深鄙之近如孫茂昭兵鋒誣之於毫不相聞猶
可言也前此陶紹佩追剿數日無報便曰奇正深淺本職
亦不得與聞蓋惟恐有失而卸責耳紹佩輩豈亦閣部之

兵手推此類良可憐笑往矣何必言以僕臣腎腸無敢有不盡於老公祖者耳如何如何

與宋楚撫一鶴

裁練一事敝省聞已通行縣無丞簿議並訓導一員而裁之良苦矣若訓因缺裁仍令八部補選長奎往近寒禮所不能堪前真保等府教職缺裁即就近題補此亦情理之至當而不佞在部覆行者今應山訓丁師為亦在裁數特具文老公祖求矜此例此不佞同憲家極寒而極有品先人尤所敦重不忍不為一言也祈老公祖批允查荆渚間見缺補之此例若蒙推廣行之通省造福又不止一人矣

楊文廟先生集卷之五

與平賊左鎮良玉

瑯瑤之捷從有流賊以來未見覆巢幾卵如此奇功非但剿逆獻為第一勝著也主上望盡此賊而不意其猶有未盡者是以疑之不佞昨具奏情形一疏剴之詳矣今獻逆在與房間大將軍奇兵一入探手可得全局仍自收之非他人所可望若他人獲功之報彼此不能相顧亦是常情且如一條龍等真正率二千餘人出降亦豈說說大將軍功蓋人者量亦蓋人未可使相排駁也不佞此中願以虛公自矢行間意見議論不相一者常推廣而銷融之決不以一偏自徂將軍久自知之相距地遠未能一一暢言

之也

與索鄂撫繼成

曾遇見在四川此月初初三日賀人龍等大殺曹標小秦枉擒斬二十名額解到老賊二十二人不佞斬其二十一人僅留白料先來襄陽乞降者帶回為臨陣散黨之用其遇天星關索等走至雲陽開縣之間因與曹標失散官兵追圍未敢動絕無回聚長荒及聞上竄之事聞竄止是聞將一股張逆亦不在內不知鄭之塘兵賊細何以紛紛亂道如此與前降丁報陷大寧正是一轍絕不可解老公祖面審之而亦以為然乎更可異矣

楊文廟先生集卷之五

與丁秦撫啓睿

六月七日得口報武長之捷賊孽四千無一逸者謹西望手額為臺下稱慶至讀大教全秦皆旱二麥不登饑民逃兵所在蜂起則又不禁肩鎮江山也與崇之兵似可暫撤而又不可全撤以獻逆遁楚曾過閬川局勢一變諸渠之心未嘗一刻忘秦也

與許監紀明佐

獻賊折至豐邑坪乃豫兵剿之致然豫兵發僅二十前後斬級一百餘額獻賊不敢拒敵而遁今歸州兵有六千前見黑雲祥就撫則人人磨拳擦掌以為可殺乃於獻逆遽

云其勢甚重何也此時蜀賊兩斷不能折回正好乘機先直楚賊門下幸鼓舞諸將以出奇夜刻火攻為主不必堂堂正正與之對壘亦可成功山寨鄉兵之食餉者此時尤當盡力但使賊處處驚惶夜夜惶恐奔波不定自當入吾彀中矣

與萬評事元吉

賀季解來之賊山陝老本誠多然實非老管隊也且口供是先日敗陣次日來降而轉以獻功者雖真賊死不為枉然不能使之無辭不佞於十六人中姑置其二矣羅尚文初七日報過賊已於平南潛起營奔廟坪虎頭岩望竄開

楊文弱先生集卷之五

縣賀季亦往追之而郭起柱報會同張汪二將亦在追截之數然則曹奈四股奔昌寧者未免放鬆而寧境奔出即是竹房左鎮果未可全營追去此軍機呼吸有變門下派定分剿之議不佞不能盡從者以是也憂虞無聊欲自上蜀又以逆獻在通不能動足奈何胡方伯兵以住定巴露為要者不必隨人尾追疲於奔命且失此一著張逆必又入蜀矣十萬勿違此言切囑切囑

與鄭秦督崇儉丁泰撫啓睿

遇賊突奔多兵追截似無不殺轉之理萬一不然則仍秦志矣臺下頭養太平想當蹶然而起諸將中半調急剿陝

半嚴西紫之防毋令曹秦等股又繼之去總之僕言在前秦兵剿賊於蜀所以為秦甚深不幸而兵與賊俱回入秦則甚非秦之利也漢洮諸兵急急乘調秦地饑荒賊難得食二十健者撲滅非難唯台臺勉持若遇賊未至長驅則又不用此說矣

與中軍撫鎮道監紀等官

主上注意首梁仰枕先擒獻逆此吾輩報恩之時而將士微賞之日也恰好獻逆在吾掌中容易採取所望同盟盡心盡力將中選將兵中選兵鼓舞樂從者用之不能者姑勿之強連日此賊東一頭西一頭亂竄不定但使我兵迎

楊文弱先生集卷之五

探來來東殺之西來西殺之自然撞到手裏不問是何一路得功何一人擒賊不佞通行大賞一體頒給以報同舟二十萬輝哉盡用之以擒渠告廟所不惜也

與邵蜀撫捷春萬評事元吉

遇賊來機速竄如出籠之鳥必定高飛在我首尾收捲未免開之一瞬然較論賊勢曹張之黨愈殺愈前茲後此陳猶可補塞近秦蜀之兵不顧大計追趕過賊未見折回倘愈趕愈速使曹張諸賊伺我之瑕則一誤豈堪再誤此時惟五催官兵回顧崇以圖曹剿獻為主不佞已有公檄先聞矣特令王二守馳回再致丁寧之意惟留神速行為禱